

戒壇規範引言

冷然子曰吾師度人心切演天人之大戒科程法嚴立條目之  
弘規繩網匝密欲擒奔馳狡兔欄宇堅實恐放猙獰白牛不經  
千鎚百鍊難得一貫十串方寸鉢內誰知馴卧千丈之蛟龍三  
尺杖頭嘗見挑携萬頃之明月餐霞御景之仙俱是氣吞木食  
之子褰冠博帶之徒可擬玉珮金璫之尊誠哉降龍伏虎手段  
搏日挽月機關從事其門須善摩厲莫厭繁苛九天之上先自  
五地行持十方之化惟除三尸盤結肯從萬丈澗底走方能崑  
崙頂上行奉道良友各宜著眼痛自加鞭

持戒弟子龍起潛稽首拜題

道藏輯要

初真戒

五

張集七